

乾  
隆  
鄞  
縣  
志

鄞縣志卷二十九

土風

春秋傳曰不有君子其能國乎讀虞仲翔朱育對  
太守之問乃知東南之美者非徒會稽之竹箭也  
四明之別於會稽自唐開元中始王深寧七觀全  
紹衣湖語文繁理富亦虞朱之亞也袁伯長四明  
志特撰土風考列於沿革之後今仍其名次於各  
門之末竹枝詞亦古人操土風之意併采於篇

陸士龍答車茂安書

雲白前書未報重得來況知賢甥石季甫當屈卽令尊堂  
憂灼賢姊涕泣上下愁勞舉家慘感何可爾邪輒爲足下

具說鄮縣土地之快非徒浮言華艷而已皆有實徵也縣去郡治不出三日直東而出水陸並通西有大湖廣縱千頃北有名山南有林澤東臨巨海往往無涯汎船長驅一舉千里北接青徐東洞交廣海物惟錯不可稱名過長川以爲田火耕水種不煩人力決泄任意高下在心舉鍤成雲下鍤成雨旣浸旣潤隨時代序官無通滯之穀民無饑乏之慮衣食常充倉庫恒實榮辱旣明禮節甚備爲君甚簡爲民亦易季冬之月牧旣畢嚴霜隕而蒹葭萎林鳥祭而罽羅設因民所欲順時游獵結罝繞堽密罔彌山放鷹走犬弓弩亂發鳥不得飛獸不得逸真光赫之觀盤戲之至樂也若乃斷遏海浦隔截曲隈隨潮進退採蚌捕魚鱸

鮪赤尾鋸齒比目不可紀名鱠鱠鰻炙蟹鱖烝石首臠鮓  
鰓真東海之俊味肴膳之至妙也及其蚌蛤之屬目所希  
見耳所希聞品類數百難可盡言也昔秦始皇至尊至貴  
前臨終南退燕阿房離宮別館隨意所居沉綸涇渭飲馬  
昆明四方奇麗天下珍玩無所不有猶以不如吳會也鄉  
東觀滄海遂御六軍南巡狩登稽嶽刻文石身在鄆縣三  
十餘日夫以帝王之尊不憚爾行季甫年少受命牧民武  
城之歌足以興化桑弧蓬矢丈夫之志經營四方古人所  
嘆何足憂乎且彼吏民恭謹篤慎敬愛官長鞭扑不施聲  
教風靡漢吳以來臨此縣者無不遷變尊大夫賢姊上下  
當爲喜慶歌舞相送勿爲慮也足下急啟喻寬慰直說此

意吾不虛言也停及不一一陸雲白

案此書與後荆公遊記雖非邑人撰述然所紀皆  
鄞之山川風土故附於此

王安石鄞縣經遊記

慶歷七年十一月丁丑余自縣出屬民使浚渠川至萬靈  
鄉之左界宿慈福院戊寅升雞山觀碣工鑿石遂入育王  
山宿廣利寺雨不克東辛巳下靈巖浮石湫之壑以望海  
而謀作斗門於海濱宿靈巖之旌教院癸未至蘆江臨決  
渠之口轉以入於瑞巖之開善院遂宿甲申遊天童山宿  
景德寺質明與其長老瑞新上石望玲瓏巖須猿吟者久  
之而還食寺之西堂遂行至東吳具舟以西質明泊舟堰

下食大梅山之保福寺莊過五峯行十里許復具舟以西  
至小溪以夜中質明觀新渠及洪水灣還食普寧院日下  
景如林村夜未中至資壽院質明戒桃源清道二鄉之民  
以其事凡東西十有四鄉鄉之民畢已受事而余遂歸云  
王應麟四明七觀

東野先生發光環堵根極深寧慕白賁以息影玩素履以  
洗心有南州公子儼然踏門言曰竊懷太史公之志廣攬  
四方之恢嵬僑恠升高能賦山川能說庶幾一二於君子  
之九能叶奴代切今至是邦也願啟我以偉觀博我以奇概先

生曰余臥游詩書之圃跡不踰几席敢誦舊聞吾子自擇  
焉昔嘗窺宛委之簡見神禹之山經東有山曰句餘實維

四明南餘姚北句章二縣以爲名

山海經南山經又東四百里曰句餘之山注今

在餘姚南句章北二縣因此爲名九域志四明山句章山爲二以地理考之其實一也

卽山氏州俶

自開元之盛

叶音成

其山巉巖龍嵒嵒嶺嶺嶺峻極顯蒼危

碧峭青方石四面天劃神劍出入三光窗豁牖絃對脩眉

於天姥接五界於金庭

孫綽遊天台賦落五界而迅征注五縣之界五縣餘姚鄞句章剡始

寧茲謂赤水之天兮瑤扉闕而不扃松晉羨期之儔來宅

來燕放憑壺瀛駟虬粲驚娛翔紫青山中人兮冠切雲駒

皎皎兮鴻冥冥或梯空而上或履雪而行從逸老以逍遙

賦二韭與三菁景幽棲之至行道義重而貨輕珍木嘉草

蔓葍敷榮咄甘嚙芳有果青橘茗十二雷采嶺區萌川原

出焉練澄黛滄雲蒸雨降豐我稻稔

南豐廣德湖記源出四明山

其下

桑土蠶綸繭純紅女織裴交梭吳綾

唐地理志云明州躡土貢吳綾交梭綾

跂躡以攀躋徑沓嶂之紆縈

躡躡即躡躡字

儻參同之伯陽佇客

星之子陵軼埃埒乎區外連飛遞而離羣安石之東山謝

敷之太平咫尺可尋也爾乃地載神氣支分脈聯大隱之

峰名士楊適生焉鳴鶴之岫二虞喜荔兆焉將與子朋霞

侶月釣石耕煙諷遠游於穹谷吟考槃於鳴泉分靈藥之

刀圭友造化而飛高圓倘有意乎彼謂鱗鮫霧溼之蟠鬱

未知有建德之國空同之僊公子曰愚行天下睹終南嵩

岱之高興公登陸徧矣先生曰海於天地間最鉅故觀於

海者難爲水駕言徂東浩漾滄溟羲和浴於搏桑日杲杲

兮金鉦朝潮夕汐與月虧盈有鱗如山從以鯤鯨神虬襄



首吐雷噓雲方其駿濤虎浪之興銀峰萬仞雪屋千層簸

空兀嶽沃日吞江雷公爲之矍踣天杭爲之蕩震叶平盧

賦寶志未能該也唐盧肇海潮賦寶叔蒙海濤志穆之圖論目擊其真燕肅

字穆之知明州著海潮圖論二篇天門之水灌漭瀾浚浚汨遠注析

木三吳轉粟粲粲粒玉饑毗印哺櫓連尾屬負舶迅舸蠻

縑夷琛東泊青徼南薄朱垠登山而望渺渺鷗鷺之浮天

根候五兩以颿颿爰居戢而激氛雕題卉服駢豸雞林揚

柁東門巒鷁江濬爰有狻麈犀象翠羽火齊薇水龍鱗之

馥郁蠙珠木難之瓊麗杜陽所未編辛文不能計世道窳

隆如濤降升蓋獻龜於明者治之兆祥符七年明州獻青毛金文龜雨毛

於鄧者亂之萌唐五行志神龍二年雨毛於鄧縣在昔勾踐疆宇至鄧仰

瞻沼吳蒲羸之濱日甬甸東浹口外洲戰爭蟻穴興亡貉

邱秦政騁欲狼心未滿游鄖踰月從流忘反海水羣飛洪

荼於民一瞬爲墟鮑車魚骨迨漢六葉濯征東粵句章出

師命臣韓說典五末造妖寇鴟張裕以豪英往戍句章唐

季不綱盜覆此城巨容筒箭獲醜策勲想霸諸夏吞六王

之雄圖螭舟兕楫射蛟之弧殿殿闕闕愴陽侯駭天吳矯

矯三將如熊如羆電矛雨矢揃刈攘除威殫勢遷鮒入鯢

居昆明幾劫桑田半蕪吾將放其遺躅旣堙沒而無餘矣

建炎凱獻於高橋六飛安行於海澨隱士相如捨忠納說

何懋賞之漻漻豈亦若新城三老之縹澹

建炎間張俊用  
隱士劉相如之

策畱明州遂  
有高橋之捷

覘千古以永憶澹東波之無窮誦往聖之緒

言嘗乘槎其焉從壯魯連之高蹈閔精衛之深衷子好遊

乎公子曰水至平端不傾心術如此象聖人荀子成相不

在險也請更端以教先生曰海物惟錯雋味啐焉任公垂

餌便嬛榆竿波臣效異鱗萬介千寸鮎腹蟹亭以埼名漢

律獻醬惟遠見珍

漢地理志鄴有鮎埼亭說文漢律會稽郡獻鮎醬三斗

蚶菜疲民

君嚴奏免貢纔鮑骨元豐仁儉

九域志明州土貢烏鮑魚骨五鮑

鮫鯨蚌

蛤蟹鱖鱉首石齒鋸赤尾比目續品類之數百愉茂安

之慘蹙亥市攸聚水族有簿兼韓子之南烹藹然蠓與章

柱雖石華海月之詩綺貝繡螺之賦弗能殫舉東腕之鯛

邪頭之鮓潘國之魷且甌之蜃珠蟹紫鮓

居怯切

其來如雨

鱖魴鯨鮓數以盆鼓於是擊鮮鼎食羞用膳經嘯父蝦齏

宣子魚殮陳登之鱠虞棕之鯖芼以秋菘酤以冬橙掇蒼髮以爲菽醉螯杯而未醒若乃潤下作醎散鹽爲貴宿沙

肇鬻而海王之筴祈望之守昉於齊而征利漢郡設官三

十有六會稽則海鹽居一此三縣猶未置也考諸唐志鄮

始有鹽晏巽管榷湧寢以嚴地理志鄮縣有鹽海瀕稚耄弗能音耐

苦淡若作和鬻甘者齶鹵音減酌醴燔枯鱗鮑恣啖繇是亭

監基布牢益歲增負塗山積熬素雪凝翦竹葦以供煬釋

耒耨而肆勤一卷三斛川浮陸馳音俱便切說文囊也今鹽官三斛爲一卷也

行商通其價音響巡院譏其私劉晏置巡院捕私鹽蓋日用飲食不可

以無朝蓬箬裹其功與醢醬俱馬齒水精冰鏤霜明古云

食肴之將詎屑玉而饜瓊東箭筍茁越竹筍萌楊氏之果

染霞垂星鹽

音艷

爲夏槁屏羶撤腥飫高裴之菜食奚猗氏

之足云

後漢高允廚中鹽菜而已裴俠食唯鹽菜

魚鹽之輳民殷財阜不謂之

樂郊邪公子曰海加租而魚不出鹽頡利而人窮怨不聞

蕭望之朱文季之言歟吾冬饘夏赧

邱舉切

藜羹不糝味無

味夫何慊願聞所以利民者先生曰先民有夏盡力溝洫

魏之豹起漢之兒白疏泉洒流沕涵膏澤維鄧之邑厥壤

鹵烏原高隰下易曠以溢相時鍾洩守宰適職我懷休明

循良輩出幹造化機卷舒神術有豐無窶潦霽惟一觀乎

句章漢陂之舊內史修復所居民富

晉孔愉爲會稽內史句章縣有漢時舊陂

毀廢數百年偷修復故堰溉田二百餘頃

言觀乎南湖曰小江溉田置堰元緯

氏王藺鞠無絕如古桐鄉觀乎西南堰曰仲夏頃凡數千

雨我多稼築者季友惠以厚下湖有廣德實在西界刺史  
曰侗增修勿壞夷庚起隄响也建埭誰北填闕利微害大  
發議請復志不克遂唐有西湖爰在東郊陸令開廣農殖  
嘉苗湖姓以錢亦處東鄙受溪七十二環塘八十里四牖  
七隄重治者李瀉瀉清渠有蕓有苽有蒲菡萏煙海鴈鳧  
蓋自晉以來過川水種既浸既潤民食無乏方勇切介甫鳴  
弦乃隄乃陂瘠土衍沃遺黎之思吏隨以窳棄稷弗務新  
溝之歌靡聞均水之約莫舉眙澮塞而圻龜坊音防庸圯而  
涸鮒曩晦一鍾今食二鬴孰能諗夫愛民者塗之人可以爲  
禹公子曰佐羹以水展也民利思不出位吾將有俟欲聞  
闕大傑特之觀無隱乎爾先生曰明多名山竺乾氏居之

寶地金繩祖花禪枝南有雪寶東有太白飛瀑淙淙曾巒

鬱鬱大梅之巉嶮衣荷冷松之詠澹如也玉几之峯巒神

耀得道之名炳如也吳市子真松風隱居陳蹟故在是邪

非歟

大梅禪師詩一池荷葉衣無盡數樹松花食有餘東坡先生宸奎閣碑銘神耀得道非有師傳見八師子

經大梅山或謂梅子真所隱南史陶文正之詩大年希白

宏景詣鄮縣阿育王塔受五大戒

范文正公送洪公歸四明講席詩滿面春風指四明

之筆釋子之所夸詡存乎否乎

山長水曲不勝情自言此去雲林下惟講草屨報太平鄮有法智師名禮主天台教聚徒四百楊文公大年慕其道三以書畱之住世錢

希白碑其異於塔雖然善本論者惡其學幻而言龐意

者辟世之士晞髮濯纓岑蔚林密魚潛龜藏思昔山人有

徐廣孝經之指

唐藝文志徐浩稱四明山人上廣孝經十卷

王蔣顧三隱席珍

韞璞不斲流俗之知己

容齋三筆載李孟傳所錄三人王茂剛居林村巖壑深處刻意讀書

尤窳於易慈谿蔣季莊嘗宣和間鄙荆舒之學不事科舉  
閉門窮經高抑崇率一歲四五訪其廬願主簿南渡後寓  
慈谿廉介安貧踐履雖細事不苟且起俟賣菜者過門問  
菜把直幾何隨所言便酬之它市帛皆然久之人皆信服  
不怨李璜老璜也自謂似龐蘊僧騰客之該洽故老稱美於羣布  
欺之有詩曰此身便是龐居士也更無人賣簾籬爲文用僧騰  
客事或問爲何事曰侯景臺城事也著白樂天年譜事見  
攻媿集今堪岳之下豈無菑耕木茹匪黃匪緇蟬蛻囂滓欲

往從之耄且休矣子謂斯何公子曰姑舍是側聞是邦鴻  
生碩德所治教也南豐曾子江漢星斗之望牧於斯忠肅  
陳公雪竹霜栢之操貳於斯船司空則以道之晁倉庾氏  
則子約之呂正學參前修姱節映終古前代令有瑄長史  
有吉甫未足數也房瑄李吉甫文獻濡染必有聞而知之者敬  
在下風先生曰明士鄉也有越大夫種之英風其人通達



而多能有大里黃公之高標其人恬靜而自珍董子以孝

行著愛親者式其儀刑任奕以文章進搗藻者襲其芬馨

宏雲光修四士尙義挹其勁操思特立以獨行故虞仲翔

以俊異之生爲海嶽之精陸士龍因吏民之謹知禮教之

明屯艱否閉堙曖湛冥宋以文治賢路恢宏邱樊緼褐化

爲神纓邑校求師再書延致師廣川之淵源也杜醉順昌嬰

孺以俞爲字斯新息之慈仁也俞偉孝通神明凱風終養斯

朱康叔之純誠也李宗賢引裾強諫辛毗其直陳禾鈞黨挂名

范滂自出周鑄范忠宣公之甥臨難盡節解揚之匹吳從龍石交歲寒

之死不渝信義如漢脂習李猷郤賈胡之賄持玉雪之廉父

子如魏胡質王正己父懸趙彥逾子廉著者之人也編典錄而無

錄夫皆父子以廉著者

媿令譽焯乎日星下逮里巷則有旌閭之楊掌庫之童若

兔冒中林之好德

揚慶童判子

茵薜一時之榮華荃茅萬世之

淑慝彼鍾黃之竊據郡乘幾於曲筆先生言未幾公子起而稱曰鄭圃澤多賢衛多君子魯東海多卿相汝穎多奇

士居使然也蓋語其詳先生曰世族蟬嫣重圭累組位槐

調鼎宅揆惟五袞鉞焜耀乎宗翰衡樞舄奕乎該輔牙纛

畫繡差肩踵武

慶歷中王周始守鄉郡

紫艾紛綸常伯亞旅庠聲序

音洋洋鄒魯習鄉上齒長少有敘流品別渭涇公卿列韋

布俎豆秩秩章縫楚楚凡周之士亦世吾州之俗近古春

秋二高之說詩禮曹鄭之詁

高憲敏公問字抑崇著春秋集註高元之字端叔著春秋

紹興初立博學

義宗曹粹中著詩解鄭鏐字剛中著周禮解義

殊科首登於蓬萊

紹興初立博學宏辭科王壁炳

文首倫魁三冠於龍虎淳熙戊戌姚穎嘉泰壬戌傅名茅

中選倫魁三冠於龍虎行簡嘉定甲戌袁正肅甫名茅

廡仕多桂寶桐韓之疊矩又有文章授訣孝弟彙聚遷齋樓先

生昉字賜叔以古文訣授諸生潛山清篇武子妙句朱翌字新仲以

俞觀能象山人著孝弟類鑿張漢慈詩名為中書舍人有潛山集張漢慈

張良臣字武子有雲窗詩谿人著辯虛見攻媿集十圖字養直注少陵集家自以為舒向人自以為揚馬茲可

以言文獻乎公子曰媿則媿矣然世祿非不朽科舉外有

學願識其大者先生曰故國下車喬木蒼蒼理義雨露名

節風霜古之遺直曰豐清敏排姦詆奄讜論廩廩託興荷

花聞者歛衽豐清慶歷師儒燕及孫曾曰樓宣獻斯文統

盟有德有言既和且清樓宣泗沂絕學闡自關洛朱張呂

子緒承先覺臨川一陸自得於心若異而同為已功深淳

熙四儒探蹟性淵並游三先生之門獨契陸子之心傳舒文

靖璘沈端憲煥楊文元簡袁正獻燮處則講貫以淑艾仕則善教以昌言長

庚曉月惟楊暨袁袁亦有子受業於楊進禮退義家學用

光春水菴兮高山仰止人固亡而書存世未遠而道邇顏

何人哉希之則是若魯廬江贊名德先賢沛三輔序耆舊

節士後有作者孰謂知筦晏而已公子肅然改容離席而

拜曰廣哉觀乎井鼃鬻蟻昭然開明乃知西河俗美以子

夏北海風移由康成文藝抑末歸根六經滌源雖本敬義

明誠鄉黨之化漢學是崇讀書尚友作聖之功闕里近只

遵海而東從羣空兮問涂貫今古兮心同

全祖望湖語

謝山先生閒居湖上有客過而問曰甬勾東之佳勝以雙湖爲洞府曾聞昔人列之圖譜而七觀未及焉蓋深寧尙書之跡也舊文遺獻日以榛蕪先生方息影園林畱心里社願言其概以補作者先生曰凡清景之融結必溯其源是湖濫觴之始四明洞天之所鬱蟠也東南七十峯共之蓋極驚濤駭浪之觀而又兼以奔牛之自西蹲羊之自南而來者百二十里之遙噴薄延綿急湍飛瀑匯爲大小谿之冽泉

四明四面各七十峯其東狀如驚浪之山鄞江之源也其西奔牛諸峯之水自姚江來會其南蹲羊

諸峯則梨洲洞水來會之道

其支山之水自大雷者放乎桃源前此有

廣德湖以爲壑仲夏堰以爲關蓋欲朝宗而未得也自湖

塞而堰去遂來會乎山谿之間

桃源之水來會它泉自仲夏出是謂沙渚

乃由

秋浦而鏡川而櫟社迢遞回旋

秋浦卽成浦

順流瀾漫歷四十

里以達於城城西之水又滙焉

亦桃源之水自林村來者

蓋湛然其雙

清於是循城而右豁我目睛環四橋爲南北其圍則三百

七十一丈而羸其爲水也望之溶溶卽之泠泠紆餘爲曲

墳埴爲汀長空綿渺寒煙時生平鋪鴨綠澹池水晶以烹

十二雷之茶嫩色繞鑄

四明十二雷之茶曰區茶不可多得

是則所謂西湖

者也若夫古今之評水者多矣其尙赤者我蓋未之前聞

獨剡原之五曲忽孕爲丹霞之古文迅流成雷來歸於三

石之邨嫣然其色幾疑流火之可捫更有石壁之遙映儼

若剗羊之痕

殺羊巖下有石壁卽所云小赤壁也

此亦大造之奇不可以常

論而於湖則稍遠矣

剡源九曲其第五日丹山赤水卽今之三石邨也絕頂有朱書丹霞二字

其流赤其聲如雷

豈意循城而左忽復遇之有光朱殷和以焉支

其光綺麗不可度思吾聞水流之伏行能潛出而嘿移是

南湖之涓涓者抑猶之金庭洞口之分支耶

金庭丹池說者以爲剡源

之伏流南湖亦然

然則一葦之杭渺茲衣帶獨開生面以呈變態

鴻溝之畫足徵狡詭斯其神明宜問真宰對曰信哉其爲

勝地也願陳其光景先生曰溯湖之始蓋自有唐王大令

君照之所權輿其事闕矣近而可稽斷自吳越作東府之

右藩授懋親以旄鉞爰大浚夫重湖洲島爲之四出康憲

之所經營尙約略其有迹

錢康憲宅卽今廣盈倉基

方有宋之正隆慶

中天於嘉祐賢牧彭錢於湖最厚

集賢錢公輔假月堤

偃月長堤載

沙立就如截如抱蓮香滿袖

紅蓮閣係章帥公築其下卽堤王益柔詩所云湖光如截

天如抱者也 泉樂新亭廊腰列綉虹梁憧憧夾岸左右西憧憧橋卽今

尚書橋東漁童橋卽今館驛橋 洋洋湖心以祝聖壽有魚攸然亦叨神佑

廣生堤 時則有若溫公荆公率名輩題詩恐後亦越三紀

更廓其初廣洲成十二劉所圖劉戶部淑始創十洲而成於劉戶部暉 煙花

駘蕩雪月清虛池塘春水芳草平蕪三眠之柳乍醉五粒

之松長映葛陂竹實丹鳳所廬落英森森拒霜與俱雄風

西合雌霓橫舒時則有若陳王之徒唱和其區陳忠肅瓊與王巨舒

唱俱有 嗣是以遠滄洲則高閣連雲刺史趙伯圭作 涵虛則深館

隱霧魏王體作 戶挹清風家臨平楚雉堞參天鎮山接武卽李刺史

夷庚所治 二分煙水空濛三月風光媚斌樓宣獻湖上詩 直抵城

鎮明嶺也 南同流異浦則又別有奇焉試與子原地望於小江之鄉



正譌舛於勾章之士

別稱爲小江湖者蓋以城中安東鄉一帶曰小江里因名或乃混於勾章

鄉之小江湖故清容辨之

訪昔人之遺跡求二豪之故所

所謂鍾黃二家競渡湖是

也

彼其分清洞以左旋如捧花之媽女引修渠以斜行盼

夕陽以延佇

由長春門而入爲清洞橋東行卽南湖也爲捧花橋

所捧何花芙蓉容

與中有蓮心清芬一縷翠蓋亭亭以迎紅雨

湖南水道取象蓮花以延

慶寺爲蓮心鳥

何來細湖別成遙許逆流而會藕尾如注誰云不

掉凌風軒舉

南湖之中有細湖又稱小湖蓋採蓮橋一帶也舒中承竟以西湖別名細湖近人則但以

南湖名細湖皆誤惟胡制使寶慶志不錯細湖之西有港曰藕尾

伊平遠之流泉忽有時

爲周髀之合妙一股與一勾竟參三而鼎立而且極神奇

之巧幻又如南箕之不翁當其忽焉而申疑雲氣之可接

也

三角灣舊名龍舌

更訝淑姿之豐盈胡有時而消瘦腰圍如蜂

帶垂如繡潺湲潏潏折旋遷就宛然小蠻與我邂逅

卽今所稱

腰帶湖蓋古之竹湖地也

搜奇旣畢放乎中流水月蒼茫大圓可求

月

橋

城上烏啼格磔鉤輞城下草綠翩反芳柔聽昌黎之冷

泉對遙天之碧色彼城外之江流葢朝潮而夕汐紛黃沙

之撩人羌魚鹽其四塞豈如此間蕭閑獨隔玉几東來錦

溪西射

吳志淳湖上詩

是以瑞應之來自五臺者長流連於勝跡

所謂五臺開元寺中瑞應觀音者也

對曰有是夫其清絕也彼其前輩之所

畱貽者多矣雖曰易代其掌故尙有可言者否先生曰並

湖甲第嵯峨尺五碧瓦朱薨更僕難數其最先者給事故

廬猶傳僊塢

今惠濟鮑王廟古稱雨

漕使遺居後爲梵宇

故費雲寺在均奢橋東者乃願潛使宅

吾不能畢陳矣爾乃前王後樓畫錦

之府雙闕相仍羣公之祖樓楚公畫錦堂乃王司封周之故址四明守鄉郡者自土始

餘光瑩瑩環橋如組畫錦坊在西湖之南首其東有錦照橋則南湖之交也其西有錦照堂則

竹洲也堂與橋相隔遠成化志卽以竹洲之橋當之不考延祐志故也登封閣中嵩洛可撫

楚公令登封攜少室石以歸南渡後宜獻築閣貯石扁曰登封攻魏東樓拂雲高戶蕭踈

梅麓在湖之滸攻魏族孫扶築梅麓湖東稍折而北友恭有堂萼華接

葉中有二汪時則野處之記雄文皇皇汪少師思溫兄弟所居誰移

洞天跨湖爲藪曰惟史氏十據其九招四明之山靈使來

歸於戶牖兼天巧兮人工笑愚公兮何有彼從孫之摹補

陀於霞嶼其法蓋有所受宸奎有藏遺塵有像惠濟有祠

環共相向史忠定宅在湖東而以竹洲之真隱觀爲洞天摹四明之九題於其中因立謝遺坐廟其御賜

四明洞天四字藏宸奎閣又立惠濟王祠祀之忠定從孫巖之摹補陀洞天於東湖之霞嶼實祖於此今史氏子孫

誤以霞嶼爲忠獻所鑿

至今花果之神居如靈光之無恙啻圖經之

譌謬乃以爲建炎之杜將

今花果園廟亦屬史氏別業中物嘉靖府志以爲祀建炎將軍

杜愷者妾也

忠宣在北鴻禧在東繡衣長橋碧沚芳叢報慈禪

窟忠獻所通

錢康憲公宅捨爲觀音禪寺初名報慈史忠獻請得之以爲別墅成化志以爲賜忠定誤

也 四世綿亘萬屋爭雄乃有放翁之徒彩筆如虹更有石

窗王孫山澤臞臞括蒼歸來小卜逃虛

史使君文卿築山澤居葢石室也因

自署石窗山樵在碧江南

何家錦里亦復嶙峋天水上公實惟宗親比

輝墨莊鄉郡所尊

趙開學彥逾錦里正與墨莊樓氏隔岸相望亦以守郡郡表閭

釋褐有

坊宣大參之廣廈也

由均奢橋直抵靈應坊而止皆少師之賜第宜係釋褐狀元

旌勳

有門馮制使之遺榭也

由均奢橋北直抵柴巷而止皆馮制使宅

至若龍圖之

嬾堂

舒中丞直寓亭

周氏四休之別業

周南

侍郎之息齋

高憲敏閱亦

復相爲上下而南藍則了翁尊堯之著出焉尤有光於精

舍高麗之使館

亦樓楚公所建後爲史氏寶奎精舍

宋人貢道之所資也陽

源之義烈

宋忠臣袁公祠在湖心寺

日本宣慰之凶終

王積翁招諭日本而死詔卽其

行營在濱

祠

祠祀雖不同亦宋元史事所當知也馮氏萬金

之樓則義施也

馮氏萬金樓施藥四休居士有詩

翠梅畫簾東西相望如

雲和神以爲湖幃下戶寒門葭從依傍自是而南故榭之

迢迢者蔣園其最有名矣至若水閣之疏越

趙侍郎築

竹墅之

幽清

高使君衍孫

丞相少師學士輅院之徒園林之盛有如列

城

魏丞相陳文定公史忠宣公樓輅院皆有園在湖上

竹林一區則王氏畫錦之都

廳

深寧先生封鄞縣伯故所居亦稱錦里竹林其別業

其同巷者尙書拙逸之亭也

袁尙書似道清容大父也

然此猶其小焉者湖穆陵之養晦大橫雖兆

沂邸之珪未裂髣髴乎荒野之遯居求螯龍之幽窟惟茲

流泉蓋嘗三浴夫咸池之日

理宗自越中來就學館於湖上余魯公家

彼後此

四十餘年之表章學統昌明經術可不謂於此肇基與歎  
文獻之淪胥致圖經之缺失僅僅以達蓬之遊勾章之成

張皇於後世陋矣對曰宅里則吾旣聞之矣其物產若何

先生曰湖中物產充牣城隅其負城爲鬧市集百貨以兼

車

宋之湖市在觀音禪寺後今倉基背

遊屐所至不時所需如菱如芡如蓴

如菰葱葱青青以備晨蔬

宋時湖濱居民各植菱蓴之屬見嬾堂西湖記中今無

而

且有鯽縹青有蝦粹白其柔成脂其長徑尺彼鼈底之漁

人鱸鮓充斥

湖上漁人皆居鼈底

而未足以盡沃土之出也南有大

坂土膏最濃不須一易歲致千鍾布穀原頭黃龍臙臙牛

鞭初動壇墦所崇

周南雄湖上詩

刺史之熊軾時過之以驗歲功

前代於此

且讀且耕則有諸豐焉

宋時大坂田爲豐氏物蓋其宅適在靈順宮之

北有釀泉其甘如蜜當時酒務於此焉設麴車沉沉雙

魚最冽

雙魚酒見嬾堂集

貢之天子御尊所列

南渡後貢酒名卅洲春

泗水

潛夫記其種別以祀神明則賀公之所怡悅也

賀公祠正當務前

當夫權歌羣和秧歌問作酒戶張帘漁戶四逐新月生斜

陽落泛中流聽評泊雜披土物正復不惡味嘗其新賈喜

其薄夫非賞心之樂事耶若夫吳綾七囊載在方物紡絲

巷中中宵兀兀擬之蜀中文君縑帛交梭之名百縑不易

夏口所需厥有輕紗比之薄羅微涼足夸前代所云冰紈

方空縠綸吹絮未足多焉是則女紅之精者也對曰是不

過日用之需而已彼湖之用詎止此耶先生曰西南水利

它山是賴惟王長官其功最大平截江河翦裁大塊驗水

瓢三鼎足置埭試觀於行春積瀆烏金之角立足以想經

始之鴻裁蓋城南之連阡接陌賴之以隔蕙江潮汐之界

而非是湖則城中之流泉亦莫知所津逮也

北宋時城中維舟之地在

紅蓮閣下南宋始移平橋

自有牧守以來其賢者如錢如劉浚治無已

增卑培薄民命所倚其潤色夫洲島則餘力之所爲而非

以事遊觀恣淫靡也歲或旱甚鑿井相餉

虞大寧

勿慕之收

不窮之養曾聞建中之時上供之舟被阻唐監

意

治湖有

皇莫仗稽首長官之神實陰相焉

舒中丞有引水記

南渡以還橋

梁漭濊制使如張

津

亦畱心於湖上舊有三喉洩水東注



又有二池以備北顧

水喉食喉氣喉三關皆穴城洩雙湖之水東入於江蛟池蜃池則所以備

城北之旱歲也

警榮衛之在人蓋周流而無忤自沮洳之漸湮竟

暴漲之可慮保豐之禊陳守重置

陳

遙分橫流以殺其勢

它山水北洩行春林村水北洩保豐

要其竭誠盡思莫若吳公洪水築而泛

濫治新河啟而痼滯融

洪水三壩最有功吳公自言畱心四明水利至洪水之役而盡新河

則吳公以爲能使四明產文人者也

其他修舉廢墜罔不庀之工焉於是水

則是平時亭是崇刻箭志步

見水則碑

昕夕之車騎觸目儆心

或蓄或洩斟酌從容是以湖之水勿置湖之利長充政成

民樂半黑半絲之髮憂晴憂雨之心觴咏其中

卽吳公湖上詩

棠之蔽芾其誰與同春猿秋鶴宜禋祀之攸宗何居乎清

容之作志詆大賢以障羣蒙謂忌吾里中公相之多而徙

始興之堰以絕地氣之通真誣妄之私言竟誰信而誰從  
清容有憾於吳公故作志盡掩其善政而反有徙堰之說謬矣嗚呼吳公之明德遠矣五

百年以來水則湮於列屋時亭之草芘芘三喉莫問二池

其空彼莅茲土者其誰過此而僦功若夫南湖之湛湛尤

神物之庭除不見夫長髯如戟縞衣如茶呼吸重霄擅茲

奧區朝遊海上暮返城隅疇其從之一蜃一蛟

謂北郭蛟蜃二池

太尉之節洪波所朝沒而依此白馬揚潮

白龍廟旁有張太尉祠以奉使

加封於廟中誰則據里巷之流傳以爲山陰兄弟之招也

遂與社祭銅盆浦龍相傳卽南湖所從以嗟昔人之建置總非小

耶神爲山陰王氏兄弟其言不經

補後人廢之其失也鹵故當河渠正完三喉未阻江流可

引地脉楚楚神龍出沒原無齟吾

氣喉正當鄞江門下爲南湖尾其離龍湫不半

里迨夫大澤竭

竭一作過

淤泥閉誰噓枯莫宜滯英爽勿堪更

圖卜地然而雖徙新田猶思故絳穴城之道萬夫莫障時

聞風雲如來陟降

今城下尚有穴洩水入江竭力莫能塞乃知鄞江門之不可廢也

且客

不聞中山使者之行邁耶海波微揚神靈如在彼其庇蔭

且及域外何況是湖肯忘錫賚

銅盆浦陳少卿侃使琉球空中見神龍護之

夫

水利之於民至重也倘其脩故渠招芳蹤吾知逝可復還

否可復通耳乃若天封之塔浮屠家之建置亦稍參以揆

日測景之宜命名之旨佛經載之其附會於梁唐之紀年

者妄也對曰是則然矣其人物若何先生曰是邦僊釋之

場也洞天福地則有其四

四明居洞天第九而梨洲大隱山菱湖以爲四明之支山並列

福佛地則有其三

有王舍利岳林彌勒與戒香暗尼爲三佛

其在湖上有可言

者寶雲片石義通傳教延慶尊者於焉分派

見四明尊戒者教行錄

香暗尼維衛佛之呈身元祐黨人瞿然下拜

謂周南觀音雄也

遺像建炎呈夢完顏兵火所不能害

即錢康憲所捨宅見延祐志 彼夫

牧菴則滌山之傑

崇教處真則大智之孫湖心寺僧 圓覺則能

仁之秀

觀音寺僧

皆足以張竺國之軍乃有妙蓮其持行更純

苦心孤詣不爲虛言以自文蓋嘗觀於廣陵曲江八月之

狂濤幾橫突於海門行都陸沉之勢近逼城闔而不須強

弩之射直坐嘯而止紛殆禪力之所宰出之以冥運而倍

神

妙蓮亦湖心寺僧其事見至正志

是卽令神禹再世必將招之以制支

祈輔庚辰非區區治水之徒所可論也風流餘事則開元

六院梵宮所尊中有闍黎繪事軼羣天男天女天王天神

維摩問疾如聞伊咄霓裳羽衣調律悉均更讀它山之題

句朗朗清新

開元寺僧元亮

廣利書法上達楓宸畫龍亦奇石碎

波淪

開元寺僧竺光

三惠之琴和聲煙燼

祥符寺僧從信

惟講宗之大啟

則法智其最高開權顯實十三科之遺書遂爲天台之斗

杓不見楊大年劉子儀錢希白之雄文抒其藻趙閱道陳

了翁之碩望輸其誠曾魯公史越王父子之大門振其勝

荷池菜園如錦如鏡十觀之沉沉空明寂靜高足之出於

他寺者有若神照之伏虎聲著白蓮

東掖寺僧本如

三學之勁節

朗公稱焉

開元寺僧則全

浮石之手授如意心印灑然

三衢本業寺僧崇矩

皆禮公高弟

其在寺者廣智明智圓照圓辨定慧覺雲柏庭之

徒以振宗風以大法傳沙泉醮月松帚吟雲流風雖遠佳

話猶存而鮑郎之再生而尸解則列僊之倫也對曰二氏之說先生所不道也偶或因文獻而及之請言其醇者先

生曰湖水之靜深足以洗道心湖水之澄潔足以勵清節

湖水之霏微足以悟天機是故湖上理學之傳文章之聚

官箴鄉行交修具舉振振然繩繩然咸有昔人之規矩慶

歷之師儒五而樓氏居其一實自剡源來敷教澤豐袁之

源流所自集兮

樓正議公來城南學者稱爲西湖先生高弟則豐尚書袁光祿其最

光光尙

書古之遺直托典荷花奸回辟易正色立朝田不盈陌以

視清獻允不忒兮

豐清敏公

羨急流而勇退耽葉月與蘋風不

愧爲文正之女婿忠肅之婦翁兮

史忠定葉月蘋風之贊爲周銀青師厚作然葉

月蘋風實銀青次子承奉作陳忠肅嘗和之不知忠定何

以屬之銀青今志乘又誤移忠定之贊爲南雄作未考鄭

峯真隱漫錄也

南雄大節同岑之盛甲於黨籍莫之與並況其難

弟亦爭勝兮

元祐黨籍范忠宣左丞待制兄弟三人南雄之母舅也胡右丞宗愈王學士觀其再娶婦

翁也宗肅則妹婿也忠宣子正平其中表兄弟也鄧考功忠臣胡氏之僚婿也忠肅之妹嫁西山先生李深親表十

人並登高第時稱異事

貴義如璧賤金如土徵君高風足千古兮

翁所作陳徵士志

越公八行無忝笙詩之白華不知冀公之事母

實傳家兮

史冀公簡爲明州從事奉母最孝公事之餘卽具甘旨遊十洲間大吏俗人也怒其不告摧辱

之冀公抑怍而死子越公詔厲志讀書旣被徵遁入大田山中延祐志謂冀公以用杖輕忤大吏而死者非也當考

忠定公所作

建炎倉皇廣陵出走監倉微臣誓死官守呱

呱道旁之兒猶傳節孝之後兮

豐監倉治死節揚州其子誼甫三歲棄道旁見者憐

而養之其後高宗特賜褒恤四顯謨錚錚不屈咸陽江干

明志失其事予從始與志得之

注少師

遺愛百世猶甘棠兮

思溫

喪亂之餘不緩民事耕織是

圖幽風之深摯兮樓安撫憲敏醇深宗師伊洛其在甬東首

推正學拒昏勁骨天半諤諤五峯諍友不嫌攻錯闢獲麟

之一編尤弟子之所淑是以寶桂之坊填耐而箴酢也憲高

敏公閔兄弟五人登第舊學甘盤黑頭潞公三經箋故之書為儒苑

所矜式而中興大儒俱荷翹車之辟史忠定相孝宗御書舊學二字賜之時有

異僧稱之為黑頭潞公所著尚書周禮論語義俱簡當而尤有功者中興大儒朱子陸子而下大半皆其所薦晚年

出山謂人曰此行可以為梅溪所糾竟沒其善也相業之其愛賢如此未可以為梅溪所糾竟沒其善也

偉所關在國脉也舅甥則學士有集鄉里則祭酒有會莊

靖之明德尤其最也汪尚書大猷塵視軒冕有如浮雲刪定父

子之遺徽真絕羣也史刪定涓不受忠定推恩之爵其後以受其子彌林亦承父意不拜見刻

源桐鄉東來說詩之雄灑山妙句穆如清風自托信天嘯



漫畫之無庸也

朱舍人翌灑山詩最工有信天緣堂記

宜之侃侃難進易退

含香對命百僚所畏更有定城一官慈惠古之循吏真不

愧也

吏部侍郎豐誼及弟定城令謨

四先生之講堂俱在湖上而竹洲一

曲爲端憲之幽居晝觀妻子夜省夢寐書帶之草遍堦除

也皎皎季子高臥邱樊道義之樂長冲閒也

沈端憲公以史忠定割宅

居竹洲而其弟季文風節最高亦館於史氏兄弟並居湖上

館閣元公師表乾淳龐然

名德宣獻最尊哲彙亦賢聽訟有聞哀毀捐折孝更純也

樓宣獻公及兄錫

槐堂高弟尙有吏部累掌大藩思恢國祚身後

蕭然更憐貞素區區孤女之嫁其餘唾也

豐吏部子有俊亦官吏部其與

象山講學問答最多蓋沈端憲其妹婿也持節淮上力排

和議見劉後村挽詩舊志但以其嫁孤女一節列之獨行

陋矣辛陽之碧梧翠竹宗袞所不能屈講學之功斯爲卓越

史忠宣不屈其兄鴻禧不屈其叔  
皆從慈湖先生講學湖上稱高弟  
餃夫守袁魚釜塵甑登

諸循吏西山所稱樓氏安撫以下諸公足雪墨莊廢湖之

足雪魯公永公之恥趙氏有袁州足雪  
其父黨禍之恥者也世家子弟其勉之  
疎寮航航追配范

陸苦唵之餘尙聞三略晚節微嫌平原入幕  
詩最工又有

緯略騷略蟹友林詩筆清癯蕭瑟東夫瓣香此間未絕  
春

坊彌寧也學蕭饒州雅人經術是治退居晴湖愛聞魚計

東夫詩有集  
史使君定之也著有太極圖論  
侍郎翩翩夢吞三爻更有

著說鄉飲酒義月湖老漁集  
叢書足比清瑤持計則失談經則豪  
趙侍郎汝棣以史氏  
愛婿居湖上其易學

今尚存叢書不傳  
屯田學問克肖乃翁中原師友共仰大

借以理財進用  
宗樓屯田淳測天量日希蹤洛下長貧如儂布算不暇  
樓處士  
修精歷

學終日持算籌故窶甚  
德祐孤忠厥惟太平一門蹈難不

而如富子見清容集

鄞縣志 卷之十九 土風 三

愧世卿

豐使君存芳

諸應隱約潔身不仕衛公之學猶存職志

應處士本仁參政衛公之宗也今居王家墩前

英英蔣生學統攸歸惜哉短折玉

折蘭摧

蔣教授宗簡學舍在湖心寺內

至若城西義莊敦瞻鄉里實惟湖

上之三老是綱是紀非徒以拯困窮抑將以養廉恥

史忠定注

莊靖沈端憲也

如樓如應克恤其族比轡范氏以修雍睦

樓安撫應處士

皆置義田以贍族

更有義塾亦應所置古樹欒欒於今未替藏書

之富南樓北史

宣獻東樓鴻禧碧址最有名

宛委之山不過爾爾是皆

西湖之著者也爲問南湖之士族有諸蔣之繩繩偉哉金

紫高義得朋豐公門下共資嚶鳴力排新法荆舒是懲幸

免遠竄縉雲所爭了翁之來更相輸誠同心之蘭其臭共

馨中奉兄弟共守師承尊堯正學連桂以登是以宣奉卒

忤蔡京

吾鄉仕族之最先者蔣氏其一也金紫光祿大夫

俊明豐清敏公所薦士力爭新法貶官將遠徙以

母老清敏力救之得免陳忠肅來鄞浚明首遣其子事之

中奉大夫璿宣奉大夫琬是也忠肅書連桂二字以表其

坊宣奉忤蔡太學早覺聞歌清明慈湖兄弟實所服膺學

京見清容集太學早覺聞歌清明慈湖兄弟實所服膺學

存誠金紫孫也詳諫議落落端平晚節何以銘心猶傳四

見慈湖所作墓志

勿閣學峴即宣奉後初年以論方大琮劉克莊等濟邸事

功甚大而又力排當之將作多聞摘詞清絕義熙以後甲

所當表其晚節者也

子編集

將作主簿曉

三徑聯珠之喟七世志幽之作薦紳猶傳

述也

昭先曰將作子蔣氏嘗編三徑聯珠集以錄先世交樓攻媿爲之序及有續集王晉卿爲之序

弟爲醜醜愛瑞堂之融融五畝世業二南宗風一門著述

競爽爭雄

薛氏瑞堂樓宣獻公所書本在張村其城居在湖上二南之句見薛朝議唐田間集中朝議之

子孫有集者共二十六人

四明五老衡州有名退耕浮石善俗以成靖

康舊德少師齊稱

汪少師思溫薛衡州朋龜爲五老會首浮石在城西衡州別業也

安撫

持節蔚平治行汴京老妓之詩宗國大夫之悲哽

安撫居實有汴

京老妓詩最痛

刑部圖經流傳七閩漳浦保障之愛猶滿城圍

中

揚是雖顏柳之家風何多媿與乃若南渡以還誰爲巨擘

我思兩公折衝使節

謂魏文節公杞陳文定公概也皆使金不屈世但知魏事

焦山丞

相參預密勿實佐中興未竟其烈晚愛詩寮雪窗妙筆

於闈中識雪窗張武子嶢嶢少師清門所出黨論方與抗

章申揭由來骨鯁罔愆遺笏

文定救呂祖泰黨禍時以爲有文介之風

節使安

貧升聞帝室不見金帶沒身始出寢邱之田足彰高潔

趙清

敏公與博

五書博綜直追籀佚高冠長劍先型可卽

高使君衍孫疎寮弟

也精韻學清容稱其衣佩古雅爲嘉定故老冠

十年窮困出處如一宣獻流風汀

州獨絕

汪使君之林樓攻媿弟子也。不屈賈家居十年。

至若嘉泰大魁明經首列

則又科第之雄足參三傑者也

傳狀元行簡居湖上。嘉靖志誤移之鑿橋。

名德

之盛更有浚儀之王抗直則忤鄉衮而避位文章則追塾

師以升堂

王直閣擢學文迂齋以忤史氏不達

汲古傳忠御書煒煌

理宗所賜

堂

堂深寧正學是宗蒼萃鴻詞比轡三洪六經百氏旁推交

通孤忠草詔三軍動容大命既去幅巾潛蹤如偃如圖以

保令終默齋亦佳不愧難兄麗澤科第三輔圖經

太常應鳳尙

書有子遁跡柴門不忘其父肯辱其身過庭有傳是謂遂

初之文孫

靜學先生昌世承父遺意不出教其子孫世稱遂初先生

四明累世之文獻

莫與倫也日湖樵唱領袖詞家杜門桑海晚節尤嘉可憐

用晦以發天葩

陳參議允平

昌國大參錦樂表閭愛其至性白

首友于

余魯公天錫與弟尚書天任甚睦其最可稱者

京兆義田亦踵其餘不幸

閩州喪其令譽

京兆尹晦

太府恂恂蘭芽之腴宛然二父孝義

不渝

太府尚賓魯公子

是在貂蟬鼎盛之中不容掩其瑜者也更

增賢哲來爲寓公日抄一編儒苑箕弓

東發黃先生宋未亡時寓居湖上

侍講有孫講經不窮

曹侍講放齋曾孫泰宇授徒蔣園

天台三老博奧精

通

湖上而身之則重注通鑑之地

高文老筆來自剡中

先生僑居五臺寺

於是才有才晚出日袁學士問其門閥淵源樞使

謂其曾祖

越公詔集賢再生翰苑八至淵然清容丕振剡源遺老

之幟

今學士橋乃袁氏物

而牙籤之於王氏亦復並峙彼津逮者蓋

未易以猝至

南湖藏書前王後袁

霧蒸龍出雲破鶴歸羨遙天之清

泚溯前輩之風徽其足以徵舊德焉否若夫有明一代時

系尙近姑弗及也對曰斯極盛兮雙湖在四明爲一隅今  
先生之言其富足與深寧並驅曷亦勒之貞石光我枌榆  
無使殘煙衰柳徒爲晉卿所唏噓也

舒亶和馬粹老四明雜詩

百粵喧譁外三江指顧中耕桑遺俗在草木故城空

卽鄞郭也

近澤知田美

俗重近澤田

多魚驗海豐由來形勢地越絕控遼

東

澄水鋪千練平山伏萬犀月橋蓮棹小春圃酒旗低蓬島

雲長在

邑有蓬萊鄉古史云金銀爲宮闕望之如雲

桃源客不迷風流未寂寞

遊屐半香泥

御史平囚日

平囚詩在郡樓下

郎中渡母年

今謂渡母橋

豐碑推筆妙



二碑皆名書

孤冢枕城偏

汝南孝子墓焉

白鶴空遼沈黃蒿尙蔓延九

原如可作執馭故忻然

箔蠶迎豆熟

俗有蠶豆

江雪伴梅消抵虎螯經夏

里語八月始蟬可抵虎

跳沙蛤趁湖

里語有跳沙蛤

酒甕雙印貴

俗重雙魚酒

藥肆萬金饒

謂馮

樓也

未覺西風遠三溪好採樵

慈溪小溪藍溪也

巷陌隨橋曲閭闔占水窮郡樓孤嶺對

古謂鎮明嶺

市港兩潮

通閭在城東隅

春暖雞鳴臬

在慈谿

秋寒鴨信風

江湖所呼

家人富

足擊壤與吾同

歲熟禾論黍

俗以二束爲一黍

人歸夜擊鐘金澄沙底水龍臥井

邊峯

金沙龍井皆在育王山

香火長存社

俗結金光明金剛社

漁鹽每奪農年

來縑帛賤砧杵萬家春

稻飯雪飜白魚羹金鬪黃鮓埼千蚌熟在奉化花嶼一村香

在慈谿

海近春蒸濕湖靈夜放光廣德湖每現光彩北窗休寄傲大

隱卽吾鄉

大隱山乃楊適先生所居

禽孝傳居俗

禽孝鄉在奉化

風癡動浹旬靈鰻旱天雨卽龍井也聖米

歉年尊

凶年尊根爲聖米

江漲長如海冬溫恰似春雞豚追伏臘

行路亦情親

佛磬雲中寺樵歌郭裏湖城居蔭楊柳野寇息荏蒲巫語

傳栢琰漁篋入畫圖幽香滿花谷不趁雪霜枯

蓮閣紅堪掣池瀾靜不流

池在府前

梯航紛絕徼冠蓋錯中州

高麗比入貢多使者

草市朝朝合

四郭皆有市

沙城歲歲修邦人爲郡城雜以沙故易

顏雨前茶更好半屬賈船收

張琦鄧州歌

山入瀾門海入州海中白蜃吐高樓公家政簡民安作細  
雨斜陽歸飯牛

扁舟白髮芰荷香共指前頭賀監鄉西去洞天還有路人  
家兩岸種昌陽

斥鹵青陽滄海濱扶桑隔水是文身江城新市無風雪晝  
鼓朱旛迎早春

呂時濬世君問寧波風土應教五首

越絕饒山水古今文物稠三冬無積雪十月尙餘秋風雨  
無歸處家鄉在盡頭出門車馬少到處泛蘭舟

石頭古城子城下遶滄波大屋空如谷小船尖若梭山深

置麀鹿潮滿制龜鼉距海五十里生涯海錯多

淹淹梅雨後卑濕用樓居有地俱成稼無人不讀書香多  
吸老酒鮮極破黃魚頓頓新秔飯先將賦稅除

兒童養鵝鴨蔬果足山家赤午農耘稻清宵婦緝麻烝嘗  
先敬慎婚嫁稍奢華長吏民皆畏無煩刑法加

四明八百里物色甲東南玉版春肥筍蕘餅雪醉蜡堇山  
足靈氣慈水供餘甘窈窕千峯處幽踪日可探

陳民俊日月湖竹枝詞

郭裏天開日月湖樓臺島嶼儼仙都近聞點綴堪圖畫一

曲能如舊鑑無

湖在城中以有賀公  
祠亦題曰鑑湖一曲

尚書橋畔祕書祠中有元宗御製詩歲歲仲秋明月夜湖

亭羣集唱新詞賀祠在陸康  
僖公橋畔

踏青醪解杖頭錢細草新堤可醉眠  
舉底漁家閒晒網不

知何處有湖鮮柳江煙  
輿一帶

水雲亭子四宜樓樓外煙波亭外舟  
官府讌賓游不得輕

橈移泛蓼花洲驛後四宜樓下瞰  
湖光郡縣讌客處

春山銜日半城隈寒食家家掃墓回  
游屐但聞簫鼓近合

羣爭向水門來湖堤盡處爲  
長春水門

扣花名處自何年陸渾山莊勝綢川  
隔岸垂楊堪坐釣水

函長繫孝廉船陸孝廉別業  
面桃花堤

湖邊負郭水田多春雨農家一笠簑  
夜靜試憑高處聽最

銷魂是唱山歌湖南大  
坂田

湖中碧沚水粼粼司馬當年此肅賓近日園林蕭瑟甚雙

扉深闔謝遊人

司馬范東明先生園

名園遙接日湖頭飛蓋曾隨公子遊會說內祠先相國不

知太傅本風流

余文敏公祠

揚雄泛賞柳依亭圮亭荒柳不青遺墨至今人競寶脩

園無復草元經

楊伯翼先生園

李鄴嗣鄧東竹枝詞

江城幡鼓出迎春太守簪花宮帽新記得少年曾趁隊天

妃宮外看芒神

禮節人修土地安鄧東遺俗本堪看莫如小陸書中說恭

謹民風愛上官

陸士龍書最述節縣土俗之美

文學相傳接里閭田家亦有帶經耒呂時善寫鄉風好第  
一無人不讀書

呂中甫山人有應教述吾鄉風俗詩  
中一聯曰有地皆宜稼無人不讀書

學堂相接誦聲聞東脯時行造席勤邱板易經人一本兒

童盡讀漢唐文

東鄉俱治易邱氏所鑄  
易經板字畫爲盡善

著作鄞江千載看操觚詞客亦登壇家家舒向人揚馬猶  
憶童年誦七觀

先賢王伯厚先生作七觀述  
里中文獻之盛兒時俱誦之

諸生守儉不言貧大布爲衣平定巾未有高門通一謁蕭  
然蓬室恥干人

里風簡樸更東鄉婚娶家門盡有常恰是古行田父禮提  
壺轅側繫烏羊

太平海國久無塵雨瑞風祥四序均虎不噬生龍不怒沙

蟲何物得傷人

車茂安憂鄆縣沙蠅爲害士龍因解之

出郭先經東鄆橋綠楊樹下且逍遙鄰翁相約還乘興一

號田頭看插苗

楊柳樹下一號田頭俱負郭之最近者

好風好雨不須祈新穀垂垂眼看肥常是西村遲半月東

田早得救公饑

救公饑早穀名東鄉最先出者

早穀可紅六十日晚禾猶自等西風家家烏撒嘗新飯勒

馬看登新廩充

紅六十日等西風烏撒米勒馬看俱東鄉早晚穀名

夜來莢雨灑東臯任處春田可種苗恰是江村好時節麥

花風過麥陽橋

東湖水滿便堪凭高下田禾盡望登最喜太平王令長官

糧不作十分徵

王忠烈公章治鄆九年歲徵糧輸八分卽止



春秋兩季再輸糧拖戶休教里長償但了一條鞭稅外龍

船賽鼓遍東鄉

里中以春二月秋八月輪糧畢即舉社會

東錢山水秀堪圖不數城南日月湖若使移來遠郭外十

洲三鳥任人呼

東錢湖山水之勝以離城五十里故游者罕至

十廟沿隄霞嶼孤東湖本亦號西湖愛他千頃煙波闊不

學西頭鶯脰蕪

東錢湖初在鄒縣之西故亦號西湖

湖水趨河河落江一高一下遞相降勤修隄闕防開閉召

父曾來治此邦

鄒東地勢湖高於河河高於江江高於海故濱海而無水害鄒守令畱心水利者有

儲仙舟王元暉陸南金李夷庚李炤任

侗張响邱崇元程覃吳潛諸公俱廟食

開田湖畔稍侵干儘說東錢水面寬三縣七鄉民命重請

將利害問鄉官

湖水所灌三縣七鄉然豪大家每侵爲湖田

八月迎神社鼓譁神輿突入野人家自招宿願爭羅拜明

日雞盤不敢賒

此言邱隘橫  
涇二鄉之神

蓼風吹過氣初涼九日花黃穉亦黃縱是中秋明月好田

家只愛古重陽

東鄉九日穉重陽可收  
鄒俗重重九不重中秋

最是宜興晚稻良東吳水粳飯尤香溪魚活活新篔好合

住陽堂第七鄉

宜興晚最爲佳穀出吳村鄒東勝處  
曰陽堂鄉東吳其第七都山水尤勝

家藏陳酒漾金光玉帶魚鮮一鬪嘗雪白盛來天落飯須

知養老定吾鄉

天落稻  
亦良穀

東津橋板跨江浮一字平盛十六舟千載人驅車馬過可

知遺澤是應彪

甬江浮橋唐刺  
史應彪始建

三江水合夾靈橋形勢無如此地饒九十九龍蟠岸北一

龍翔處半乘潮

江北岸有九十九阜其一阜半入於江

大將樓櫓擁上游水龍常見截江流年年出海鱗衝好不

派金錢民力修

江上大艦俱水軍自修不費民力

山川盡處卽蓬洲有客翩然慕遠游擬向蛟門看日出且  
教一上甬江樓

往年御史出巡方定坐江東大教場一樣三軍排陣伍饒

歌齊奏獻倭王

軍中有扮倭者十人其食糧倍於軍士

大舶常傳貢使來嘉賓盛館郡中開聞名乞得先生句喜  
帶天香海上迴

貢使嘗求先樸軒先生詩有衣帶天香海上還句其國以爲重

風跡千春間有無山川歷歷在荒塗登峯曾說秦皇帝重

水猶傳文大夫

始皇在鄞縣一月

移城傳是晉牢之宋武迴颿浹口時往事英雄俱在眼一

孟却上偃王祠

今鄞縣劉牢之所造  
余偃王祠在湖上

此地陶公有釣磯湖山漠漠鷺羣飛漁翁網得鮮鱗去不

管人間吳越非

湖上有  
陶公山

千年故國有遺民鄞縣城隍祠尙新最是河濱夫子廟阿

誰添塑兩夫人

此最可笑事  
惜無正之者

黃冠到處可徜徉賀八行祠薦一觴恰是湖頭逢萬叟囊

中收得禹餘糧

禹餘糧出  
東鄉盡處

慶歷先生重二王諸賢北面盡心降身無五畝堪爲宅遺

廟誰知擅一江

王先生名致字君一別號鄞江與桃源王  
先生悅並鄞人同郡慶歷五先生之二也

博學宏詞兄弟聯柴桑歸老義熙年著書千卷於斯盛今

古前惟葛稚川

王先生應麟與弟應鳳並舉詞科前輩稱古今著述之盛前有葛稚川後則王深寧

肯向王家受尺纁湖頭到處狎鳧羣縱然靖難功臣貴不

及先生一片雲

金尙書忠有弟曰華風節最高成祖賜以文綺亦不受自號白雲先生

乞身歸去老江臯具慶堂前試濁醪全節盡推錢紀善百

年門第至今高

紀善錢公安成祖常召見力辭歸里爲忠介公肅樂之始祖

循良太守史書傳臥治螺川十八年鄉論自來聞最重先

生歲歲坐賓筵

吉安太守陳公本深歸老在賓筵者二十四

泉州太守政能平駕海爲梁喜復成石裂千年公適至莫

將後事屬端明

蔡公錫治泉州更修洛陽橋時稱爲蔡公重來其遺事人誤屬之端明

郊村亦自甲諸村人物中丞更軼倫却說少時承母教遺

詩曾錄太夫人

郊村亦稱甲村中丞王公應鵬里其母金太夫人最賢有遺集行世

屠公甲第隔江涯，甬上人推四大家。恰比宋朝論士族，樓

豐史鄭亦同誇。

同里四大家謂楊文懿公守陳陸康僖公瑜張文定公邦奇屠簡肅公僑屠氏住江

北宋時四大家謂樓宣獻公綸豐清敏公稷八行越國史公詔魯國鄭公若冲

舊築茅堂傍鄮封，但當花信日扶筇。行人盡愛先生宅，三

派河歸山六峯。

謂先棟塘先生隱居

東沙賓客盛當時，茂嶼湖莊共泛卮。一自江干包十死，誰

同盧九鬪新詩。

張大司馬東莊在茂嶼一時名公讌集於此包參軍大中盧山人雲俱其座客也

立揮珠玉萬言來，不數開皇杜秀才。莫羨詞華真掩世，還

看風節表蘭臺。

先侍御公諱循義為諸生時學使者試滄海道殊賦卞和泣玉論并經書制義凡數

千言俱立就

藏書高閣攬湖煙，御筆曾題一洞天。尙有白鷗莊外柳，風

流宰相至今傳

相國余文敏公有丁有藏書臺在湖上神廟賜題曰洞天福地白鷗莊亦其游讌處

扁舟記得下東鄉定泊吾家太白莊尙說山樓東眺處先

生乘醉寫柴桑

太白樓宋太守胡桀所建後屬吾家先子年先生德豐嘗讀書樓上醉中草陶公飲

酒詩妙絕一時今此卷尙存

貴陽守可比睢陽歸老城東五畝桑試問當朝執魁柄幾

人瀝血在封疆

先忠毅公諱標守貴陽圍城血戰經年卒破賊人謂功比睢陽竟歸老不出

手持寸管問蒼旻不怕當頭五帝嗔僻殺江東吳教授不

容人喚作詩人

謂吳先生應雷首二句卽述其詩

三橋詩叟有佳懷每到茅堂芍藥開但寫小帘門外插諸

君有興看花來

謂李山人瑋三橋詩叟卽余所謔也

迴江傅氏夾塘吳相望門高接敞廬張陸台依雙柳住朱

陳本聚一村居

人稱滙緣李迥江傳夾塘吳爲鄧東三大家

昔年負土起墳塋手植青松尺五長伏臘山中藏素豆遺

民多聚大倫堂

先儀部公諱桐墓在首窰山祠曰大倫堂

小築曾居邱氏村蒼髯三樹看峯雲春風嘗約扶藜去掃

石先拔孝子墳

邱氏草堂有三樹爲宋時所植邱孝子名緒見東沙集

山水東鄉足快游石溪佳句一聯抽輕便度嶺雙肩轎小

巧穿橋獨櫂舟

陸石溪先生銓攸鄉居之樂詩

草深翁仲半埋身寒食天陰鬼語聞一瓣紙錢曾不到只

教人喚趙王墳

東潯所稱趙王墳者甚多

鮑郎射鹿幾時回不數將軍沒石才遺廟祇今傳伏臘墓

前狼籍數花開

鮑郎墳在鹿山其遺廟所在有之俱極盛



賀丞社火開江干湯令公祠奏樂闌惟有中秋逢馬市一

人選騎萬人看

江東樺木廟每遇中秋爲馬市甚盛

客來定說訪天童小白河干緯路通每過吾門常指顧一

船吹滿棟花風

寒家門植雙棟故名棟塘

往年香客遍東家萬里來瞻小白華七塔寺前先禮拜鳥

音已得聽頻伽

普陀山亦稱小白華七塔寺在江東往年香客極盛頻伽海外鳥名東鄉間有之

瓔珞河頭船口開寶幢街口販夫迴猶將佛地傳人口知

是曾迎舍利來

育王舍利塔去古節二十里

重造天童紺宇深東南第一大叢林游人未望山門見先

愛交松五里陰

初自小自至天童寺門曰萬松關今尚有松陰數里

幾疊層巒曲曲經白雲堆處佛堂屨晚來只放鐘聲出不

漏琉璃一點星

白雲寺在東鄉最深處寺建山頂

福泉山寺憶曾登佛面常教海氣蒸夜半開門迎赤日龍

涎窩裏臥高僧

寺在山頂面大海前有老龍潭光怪常見

東村老姥手提鹽不畏常巡官禁嚴正是古來憐寡婦田頭拾穗許先霑

海船齊到大鳴鑼上水黃魚網得多先買肥牲供羊廟弋

陽子弟唱婆娑

五月初所得黃魚日上水魚羊刺史廟凡出海者祭之至盛

千萬魚鮓疊水厓常行怕到後塘街腥風一市人吹慣夾路都將水族排

魚鮮五月味偏增積凍中艙氣自凝未出洋船先貴買幾

家嘗得一田冰

凡積冰家俱隔冬窖田貯冰上覆以草至次年發田取冰其利數倍

小甕黃齏送草南換來佳味看來饒一餅鱗甲純黃醬子

箸魚頭細海鹹

漁戶多台溫人俱呼爲草南海船所  
乏者薑菜每送一餅輒換得佳味

新年設客每經旬冷饌先將海味陳接腳綠衣諸使者出

身海國衆夫人

謂龜脚淡菜二品

桃花鯉子菊花鱉一甲雌雄鱉血藍此物且當蔬菜吃幾

多怪錯未曾諳

凡鱉一對曰一甲錯而食之其血藍甚奇

糯黃燕嘴不須賒新釀今年味更佳最是解醒風味好關

胡羹美雜絲瓜

燕嘴糯以爲酒味佳關胡俗呼彈塗

沙白灘頭潮汐撞人家面面對鄞江蠓山疊作墻根石海

月開爲屋上牕

蠓山卽蠓房海月殼亮以置屋上曰開天窗云

太白尖茶晚發槍靈靈雲氣過蘭香里人那得輕霑味只

許山僧自在嘗

太白山頂茶山僧採摘歲不過一二斤其上多蘭花故茶味自然幽香

掃葉新生行竈煙適逢客至素幾傳只言水味它山好試  
品東鄉太白泉

翠綠新薑滴醋紅嗅來香氣嚼來鬆縱然金菜瓊蔬好不

及吾鄉雪裏烘

菜名惟東鄉宜種之爲薑最佳烘作豕非

象坎人家接櫟斜春來白處盡梨花樹頭裏到冬深摘一  
顆真消冰雪粗

象坎諸村梨以棕皮裹枝上至臘盡方摘真快果也

東臯散步意欣然每值閑人坐久還射蜃梵僧談舊事觸  
龍里老說前年

天或早甚縣中使里老以狗血投太白潭日觸龍水驟發霹靂交下疾走始得免

渡口尋春路不迷管絃樓下綠楊絲尋常留客都教住唱

得當年柳七詞

柳耆卿至甬上輒宿管絃樓時所填曲曰畱客住

鄮地原因貿易名靈橋徹夜有人行雖然歲得魚鹽利不廢桑麻本業耕

鄮東利在魚鹽然鄉民治本業者十之八

家居只是守耕桑仕宦應須客四方每到春三節候好新

茶新笋定思鄉

前輩詩云新茶與新笋風味憶吾鄉

萬斯同鄮西竹枝詞

浙江東渡是寧波人物由來此地多欲識吾鄉風俗好請

君細聽竹枝歌

霸越平吳范與文五湖一去竟忘君何如同逐鷓夷浪千

古忠臣自屬鄞

大夫種姓文鄞人見駸國策高誘註浙江潮前推者爲伍大夫後湧者爲文大夫見

越絕書

黃公避世隱江鄉遺廟何年塑女郎却笑英雄安漢鼎鬚

眉換得婦人粧

虞翻會稽典錄鄞大里黃公之隱卽四皓之一所居名黃公林舊有廟祀後說爲黃

姑林易以女像

按今廟貌業已改正額曰漢黃公林廟

賀監歸來鬢已星鑑湖風月幾番更滿朝猶詫休官早想

見當年仕宦情

城西南六十里地名高尚宅卽賀秘監知章所居

先賢自昔半躬耕樂道何須身後名國史但傳四君子明

山尙有五先生

宋淳熙時鄞袁正獻變谿楊文元簡定海沈端獻煥奉化舒文靖璘並受學金谿

陸文安九淵宋史有傳前此慶歷時郡有鄉先生杜醇樓

郁王致王說揚適五人咸躬耕樂道時稱慶歷五先生淳熙四君子

袁公釋褐卽捐生南史爭題忠義名愧殺宗臣趙制使背

君賣友竟何成

袁公鏞宋末舉進士里居值臨安陷元將遣十八騎偵探至鄞袁公密約制置使宗

室趙孟傳禦之孟傳屬公先往公慷慨奮前詰責之爲所執孟傳遂舉城降公抗聲大罵不屈竟被害

人物楊家稱最奇一門諸老出同時村前流水澄千丈想

見羣公冰雪姿

城西南三十里地名千丈鏡楊氏聚族而居明成宏間吏部侍郎文憲公守陳暨弟

南京吏部尚書守陞從弟工部尚書康簡公守隨廣西布政使守隅子刑部侍郎茂元四川按察使茂仁相繼登朝

並有名德

張家潭水帶長渠萬頃煙波遠屋廬莫道鄉間無俊物此

中曾出兩尙書

城西二十里曰張家潭明嘉靖時張文定公邦奇爲南京兵部尙書越十載族父東

沙先生時徹繼之並有名於時

昔年曾向華湖過水關山低幽賞多自得石牕與百藥山

增巖岫水增波

城西三十里地名華胡以華氏胡氏皆聚族於斯也明時華太僕石臆胡布衣百藥

並有詩名

湖田官稅倍民田恨事流傳五百年仕宦滿朝誰念此叩

閣端賴布衣賢

自髮賦湖廡爲田重賦累民明正德時儒士楊允恭連章叩閣得稍減至今有楊儒

廟士

終宵曲就聚燈花異事人傳高永嘉還有布衣櫟社長直

教老手奪琵琶

元末永嘉高明流寓鄞之櫟社嘗撰琵琶記一夕而成兩炬之光忽焉交台里人異

之因名爲交光樓明嘉靖時沈山人嘉則居此盛有詩名自署爲櫟社長

大雷山上隱仙真松檜煙霞好結鄰自得汪家賢父子茲

山不屬謝遺塵

唐謝遺塵隱居大雷以四明九題寄陸魯望皮襲美兩公因爲賦之今所傳四明

九咏爲遺塵而作也明嘉靖時汪中丞玉及其子坦孫禮約三世居此俱有名跡

高宗航海駐鄞邦曾把高橋作戰場却恨元戎輕縱敵復

教兀术渡錢塘

城西二十里有高橋宋建炎時高宗避兀术至鄞曾大戰於此

湖開罨脰匹東錢誰把長陂決作田却恨宣和樓太守屢



教西土失豐年

鄆西有醫厓湖東有東錢湖均爲一郡之利宋徽宗時蔡京當國詔天下守令能增賦者得優擢鄆人樓異言廢醫厓湖爲田可益賦四萬石遂以館閣知鄆郡

樓公本意媚權臣遂使千秋遺蹟湮何事還留豐惠廟高

牆大屋坐稱神

樓異既廢湖爲田鄆人恨之其子孫貴盛卽於田中建豐惠廟至今猶存

宋室奸人骨一坏游人唾罵幾時休恨無長劍開荒塚截

取枯骸獻岳侯

王次翁墳在西郊海會寺側

遺恨金牌召岳軍致令南北遂平分若非王氏傳家錄誰

識奸謀由此人

次翁本濟南人從高宗南渡遂家於鄆官參知政事爲秦檜心腹徽三大帥兵召岳

武穆皆其謀也詳見王氏傳家錄卽次翁自撰

善政祠前巖壑幽一村佳趣此全收莫論奇績窮千古只

說江山也最優

唐文宗時王元暉爲鄆令建它山堰百世利賴至今有善政侯祠

王令當年放木鷺身營三碛隔江河只今啟閉誰相問一

任舟人偷闖過

王令既築它山堰猶慮水無所洩因製三木鷺隨水放之卽其止處建三碛外爲江

丙爲河分隔

迄今亭其利

端公遺廟俯江流煙火千家祀事周漢室雲臺久寂寞獨

畱俎豆寄南州

城北有劉端公廟相傳祀漢將劉植卽雲臺功臣之一

南郭巍然孝子祠千年古木更添姿東頭卽是慈親塚稍

慰晨昏雨露思

東漢董孝子黯因鄰人殺其母欲報之而其人亦有母懷憤二十年俟鄰人母葬畢

始爲報讎至今有董孝子祠東畔卽其母墓也

刺史祠前古木稠烏啼蟬噪景逾幽千年唐社知何在不

敵江鄉一郡侯

唐吳謙爲明州刺史有惠政民立廟祀之曰吳刺史廟

海國鯨波作水神行人競賽石將軍高皇航海還宣力不

獨陳橋第一勲

西郊外有石將軍廟凡客游者必祭賽相傳祀宋初功臣石守信高宗避金人至鄞

神嘗顯靈護駕竟得航海無虞

葛翁廟前水不渾葛翁廟下虎皆馴  
仙人不管人間事何

意栖栖戀一村

西南鄉有葛洪廟虎入其境便不傷人

四明山在鄞城西千古遙傳皮陸題  
豈若二黃親載筆賦

成直與此山齊

皮陸作四明九咏未嘗身履其地明末姚江黃梨洲晦木兩先生經游數月各有紀

述始盡發此山之蘊

鄞江西去接它山百里長堤幾曲灣  
晴日放舟真樂事遠

峰無數點苔斑

光溪山水甲明州花竹禽魚事事幽  
閱盡西南行樂處無

如此地日狂游

天井山高不可攀，龍藏五窟絕人寰。  
鹿亭樊榭無多路，定有僊人此往還。

鄞西南天井山最高有龍潭五居民但能登其半其上二潭人跡不可到

常喜它山冷水菴，一泓冰雪地中涵。  
坐來六月渾忘夏，不信人間暑氣炎。

望去西山千萬重，諸山箇箇欲稱雄。  
不知品目誰高下，還讓寧城第一峯。

西山最高處名寧城第一峯

西村資福古招提，巖岫爲樓嶺作梯。  
門外碧波千澗落，簷前翠影萬峰齊。

曾經西舉弔遺墳，大楔高碑盡貴人。  
後代不知幾甲第，空畱石馬對斜曛。

白鶴岡頭望望春，一般培壤水邊蹲。  
平原何忽生高阜，好

與西山作子孫

響巖千尺俯江流，隔岸聲聞一樣酬。莫向水邊輕弄舌，定

應仙子坐峰頭。

響巖去它山里許隔水。十丈人語無不響答。

常笑城西謝女王，絕無佳勝足徜徉。不知何故城中女，猶

自來遊鬪艷妝。

城西有謝女王廟。三月三日士女競出游。

背郭茅菴字柳亭，一叢竹木喜青青。若言啞女當年事，不

信人間怪物生。

背郭有柳亭菴。祀維衛佛相傳。宋時有啞女。能知未來事。一旦無病而逝。後有人見

之云。卽維衛佛菴。卽其埋骨處也。

勝日尋幽出祖關，風情鳥意此中間。雖無花樹供芳蝶，幸

有松坡當小山。

城畔清池足菱荷，游人多唱採蓮歌。扁舟日落猶迴首，會

有香風天外過

望春橋上望春波  
草綠蘋香鳧鴨多  
最是城西好風景  
夕陽處處起田歌

鄞俗繁華異昔年  
田家何事尚依然  
西郊九月迎燈社  
南郭中秋鬪畫船

黃姑祠下畫船新  
擊楫沿洞捷有神  
村戶盡包新糯粳  
舟人但着短梢裊

往代光溪曾設州  
至今民物此中稠  
商人解弄三弦子  
婦女能梳五鳳頭

唐初設明州其地在今光溪

歎息農家辛苦多  
四時不放一時過  
已栽大麥運蕎麥  
更插晚禾接早禾

書異示 卷二十一 三十一  
鄞俗由來不尙華布衣糲飯足生涯田家有子皆知學仕

族何人不績麻

天井山茶味自長它泉烹酌淡而香並論太白誰優劣一

任閒人肆抑揚

鄞泉以它山爲上不減錫山二泉太白山在東鄉亦產茶

小溪橘柚舊知名未入園林氣已馨象坎梨頭建舉栗一

般佳味此爲兄

小溪卽光溪象坎建舉距其地不遠

最愛枝頭果實甘未經照眼口先饒不如仲夏移家去臥

向林邊手自探

仲夏地名產桃李

獨喜林村蠶事修一村婦女幾家休織成廣幅生絲絹不

數嘉禾濮院紬

明時蠶利大興今惟林村不廢

種穀無如種藥材南村沙土儘堪栽近時東郭蛟關閉土

產還憑此地來

西南諸山堪種藥  
土人多享其利

兵馬城中比屋屯  
儂家近住郭西村  
濯纓尙有清流水  
注酒還餘老瓦盆

全祖望雙湖竹枝詞

儂家日月湖頭住  
題過楊枝又橘枝  
慙媿慶封新樂府  
誰

教傳遍治春詞

宋慶封樓在  
官酒務中

廣生堤放唱谿娃  
大阪秧田曲子嘉  
驀地清風送別譜

一聲聲是浪淘沙

西湖曲皆  
淘沙戶

春晚洋山魚計盈  
滿湖小種亦神清  
郎船夜傍竹洲宿  
天

半天封塔火明

洋山魚期至湖上  
亦有小種名銀鱖

聖功寺北報鯨鐘  
西岸蟬連四佛宮

謂聖功寺能仁觀音  
寺感聖寺崇教寺



郎若更尋寶雲去禁聲維衛尙居東

楊家孤子女兒裝碧海青天怨未降閒向亮公唐開元五  
臺寺僧也

乞神懺長明燈下薦爺娘

初元夾岸麗人行莫是袁家女飯僧若到更深休戀戀湖

心怕遇牡丹燈湖心寺舊爲袁  
宗正公女道場

長日划船爛綺霞鍾家渡過又黃家南湖爲鍾黃二  
家競渡之地卽今

底事浪遊去待放菖蒲九節花西湖產菖蒲  
見張白齋詩

東樓萬卷架渠渠知是樓三學士書宜獻公當時稱爲樓  
三學士其東樓書史

最郎若不辭勤汲古汲古堂王  
厚齋書庫一瓶妾願供雙魚兩上  
名酒

再疊雙湖竹枝詞

雙湖清景是神臯綠野芳塘繞七橋何處登臨都在望舒

官人巷露臺高

舒官人巷卽嬾堂中有露臺

廣陵王廟鬱葱菴中有水仙嬌女宮不道仙宮猶薄倖糟

糠棄去別乘龍

予嘗謂廣靈王靈跡之誕此詩可悟其一

東藩驛館近儂家

宋高麗驛館卽今寶奎廟

白雪青唇

驛中唱和詩篇

唱和佳

便扇東人新摺扇捧花橋上去看花

異姓王開千步廊大觀文府霸湖光何來梧竹清風別碧

沚深居十二郎

能仁觀音寺歸史衛王稱大觀文府

萬金樓迥藥籠多

馮氏施藥之地

聞道王仙

謂王可交

載酒過那得乞

來郎服食玉醅

甬上進貢之酒

長護玉顏醅

新紗織就過吳綾

唐宋貢物

緩帶橋東百練輕

在西湖爲練帛地

尙有

弓衣爲郎貯烏絲且待權歌成

天王天女影濃纖問疾維摩壁上粘

開元寺中壁上所畫諸相

再向挽

花西滙過

湖上有二滙挽花南滙在西湖者曰西滙

湧波穿石有神髯寧

寺僧某善畫龍有湧波穿石諸圖

滄洲閣外水茫茫

在壽聖觀

玉筋魚羹足侑觴

玉筋乃小魚而味甚美故成化

志亦載之儂便作歌誰與和空教吳語獨清狂